

宗子相集卷之七

門人 亦朝聘
黃中 等日新

朱應遇
陳汝揚

謝符同校刊
鄭克曾

書部

報阮督學

曩在長安幸從明公游意蒸蒸厚也病免歸則又視
我邸舍中既發且得共長公朝夕甚幸甚幸憲旄馳
越而山中人不得遽訊以書時見越士以邑中子弟
召授經來則往七述明公視學事以為明公兩究近
世希規覩也僕誠私心快之會嚴博以職事赴越當

首謁明公遂托一書謝背襟兼布鄙臆于下執事唯
明公財察夫島夷入寇吳越殺戮焚掠數百里為墟
今古至變謀臣策士徵兵集餉非不風馳雲湧至盛
也相持四載曾不得志于一戰乃反損軍折將重為
島夷觀笑何故哉僕則以為不上兵而容兵之禍也
往歲吳越守臣初上夷變 主上覽書大怒下策庭
臣持議者以為夷入如風雨飄忽吳越人懦弱不能
持戈不足恃唯調他方勁兵往剿可期而禽遂使侍
御史曹郎出選山東兵八千往授司馬司馬渡江道
兵廣陵二千石以下朝夕供帳具散牛酒金帛勞士

僅三日糜二萬矣夫揚一郡耳自齊抵越涉三千里
凡經幾大郡則所糜何計哉 抵越一接戰輒墮夷
計中枕籍如山餘者望颺潰走當是時僕在海上見
潰卒幾千人往亡從海上意氣而北不惧也是安取
客兵哉夫島夷與中原之寇異往歲師寇起河南大
軍一出輒剿已剿即勒部散去此宜于客兵者也延
島夷者如魚鳥之在江湖林木出沒聚散一瞬千狀
其勢難以盡剿唯來則禦之去則守之是為至計即
便客兵盡勁可恃亦 使之操戈萬里之外為
我禦夷哉護戎將軍 萬人日夜走萬里山谷間

其所廢不知其幾矣而吳越連歲苦餉既已竭
江南租帑不足給之且田疇罷耕者什五有司急餉
苛征徒為夷益衆亡益也昔項羽勒吳中子弟八千
渡江長驅天下彼豈非閭閻編氓而與今吳異稟哉
士無論強弱唯其練敵亡論衆寡唯其氣為今計者
唯練士倡氣之策總戎責之監司監司責之二千石
二千石責之邑史鍛戈矛嚴行伍信賞罰行之而士
不勁者一世無之誠得海郡士盡勁亡論今變可彌
即他時夷來亦何恐也且又亡大費越中人往上言
夷畏寧紹不敢闖疆蓋寧紹人各七家海上不鬪則

失其居夷來輒併力持刀格夷夷輒敗去夫嘉湖寧
紹相去不數百里豈強弱頓殊哉適者 主上念師
久無功詔捕總戎司馬罷謫大中丞以下數人諸臣
受大托而徒擁烏合之衆以冀成功僕固內知有今
也此中傳言各道兵日益解散去護戎者俱不敢問
彼其暴露草莽久矣且腹空無糈又安能留之故僕
以為罷各道兵而日夜練吳越者甚便今揚公新拜
命且明公雖總文事慷慨戎機當得朝夕見胡不以
此陳說揚公之前而贊翊之僕蓄此衷長遠矣睹于
近事益忿不敢以聞揚公而為明公一陳者知明公

者揚公之所取信故假明公以信鄙言也亦唯明公
有以教之

報張範中

鄙人結髮學語時則家君貝言江上張先生者博學
工古文詞即已時上嚮往後間從諸集中得讀足下
一二大篇則固翮上漢魏唐宋以後希觀此語矣抱
病湖海妄有志於作述之塗以為揚在昔稱雄天下
而文采未著私心病之劉子來拜翰言且得讀重鄉
諸叙則喟然太息深媿足下博識公心又幸諸君子
得以托其文於不朽也日海內談文獻者以揚為稱

誰之功也書中獎借款篤俱愧鄙人之心至為文義
公輯文托梓則又桑梓百世華艷豈鄙人可致私謝
于足下者文義公勲名久著藝采特湮僅有所傳家
梓詩亦日就損壞難讀至其自序中所稱文百篇者
即祈一字片語不可見聞蓋其中祚衰微不能護守
筐笥至皇綸箋札往七流散材家况遺章散帙何望
哉及書來乃云得文至百大喜輒以告鄉之父老又
大喜塵不感嘆足下用心勤厚使文義有知即可以
報足下也文義之文托足下足垂久遠何事鄙人之
言願既有重命且幸生文義公後則亦不敢不勉綴

一言以報然非盡得文義文詳讀之則亦不能妄為之綴以遺慙于下執事敢于記室祈其副錄已畢讀乃封還不竟留也文義公後有楊司徒公胡督學公楊以才胡以節俱籍上負重名邇山居寡務採掇邑乘求之二公之家各出其詩文百首畧為收整繁蕪約取精要稍并上美意欲足下各惠一言置之重鄉未快則豈惟往者佩恩哉二公履歷畧具維揚新志中足下有憐才之意當不厭斯談矣南北相距不數百里乃不得乘月問舟與足下共坐江磯之石折言叩隱郭我塵蒙言之抱勞而已劉子有江干之役敬阿一言為文義謝情兼致私悰于左右亦惟左右賜教馬佳刻之惠併用增感

再報張範中

客冬維檝湖干則劉生茫然奉書還報兼之佳梓三種辱之時迫霜雪日夜走遂未有以復茲宜復書中所采當時諸大貴人語意旨甚厚嗟乎僕何人哉足下乃以為可語則亦不敢鑰口偕布區區上夫聖人未嘗專精文章之學而六經炳蔚萬世同嗟左馬曹劉李杜者流相繼颺起即難較聖文後之言文者亟稱道之也千載秦蕪李何再開俾海內學士大夫重親

古昔譬則鳳麟在郊羣心快之且鳳麟之為天下瑞也求其耕疇而駕遠也則謝牛馬而世卒不屈鳳麟于其下者以其文也以其文非以其用也而世之論文者乃責其亡用于世則何以責鳳麟乎謂鳳麟之文而亡用可也謂鳳麟之文而亡用而不及牛馬也即婦人孺子而笑之文選者鳳麟之迹也而鄙之以為不足讀是謂鳳麟之不能耕駕而鄙之者也非忌則愚李何之則古以綴文是李何之所以為天下重也而乃誚其奔走奴僕之不暇然則述黃虞姬孔而談仁義道德者亦將為奔走奴僕乎甚矣諸貴人之言之疵也諸貴人亦豈能必是物遂見棄于世乎適足取笑而自點耳聊取足下所教我者以復足下足下其函釋然于鄙人之言毋為諸貴人所感而且以感入也有便再托報音

報王元美

昨至淮則江使君持足下書來僕發書讀輒淚數行下是夜寢復起徬徨行無所寄其悵恨已歸而揚州人送足下至江南者復持足下書來敬問足下起居亡恙讀書中語知足下以不得僕書為恨願僕即欲裁一書問足下又何可得也是日謝客讀足下詩僕

與足下別僅數月耳足下詩至百章亡論不減長安
時語而格力音調精工顧及過之廣五子者取類甚
當而詩甚精顧五子者一何厚幸也於上厚生三致
意焉有味孰有味孰七言者雄整五言者精麗要之
不離乎英氣非敢諛足下亦足下所自知也僕七月
與足下別數日即病上甚遂上書于鱗子與強僕起
僕不起行時三子夜携酒視我邸舍中惟足下不在
相顧動顏色明日遂別諸子行計時謂至淮得足下
一會至淮足下已去總四五日耳一婦草堂父老故
舊日相過問途中味殊困一為好語謝之則又相視
而嘻謂無故人情昔所抱痾以茲愈益之矣行將涉
草澤中畧理芝木俟稍上善飯則欲問醫江南登虎
丘而召足下尊君東伐奏凱有期曾無一言以及飾
鉞甚恨甚恨斯道窳上上下下千載足下自愛小詩數
章用當面請

再報元美

揚州使來時值歲暮乃云歸且供椒栢罷燈市即領
報書入吳矣日望其來不來也至三月暮始來且曰
歸揚一病上不果來音書迢滯斯人之責深也足下
還吳值春耳目一觀經緯百彙錯綜萬象秘思研詞

精耀華燭當與三吳之勝千古並垂寧止沈百年之
恥哉僕病肺日甚逃蓬蘆採藥種芝漸與世隔每
一馳神足下遙思紆結不知危涕之橫集也于鱗子
與昨以書來款款前盟大業並屬僕即不肖豈敢重
負諸君昨得于鱗順德之報雖于鱗夙心願處之者
壹何不當也蕭艾重筍騷裏服箱自昔嘆之矣南宮
校文誰過于鱗者而竟斥不與吾道可慮哉子與落
落風塵即得明卿終孤立耳足下當七月還朝約
我金焦之上謀宿信之談多病相牽石湖之約恐付
空虛矣春來諸什當不減空示慰茲離抱

○報梁公實

去夏與足下握別寺上心旌共往凡兩得途中手牒
把誦沾衣足下別去一月又為別元美元美旣素僕
病十月上書幸一主上恩賜俾得就醫故國今高枕
草廬已暮春矣憶昔並馬長安鳴珂授簡一時驛堠
直追漢魏真千載奇觀也嘉會不常盛圖難再謝以
春歸子以夏去元美與僕相繼出都獨于鱗子與
卿落上京邑海內豪傑能復幾人一歲之間萍分
散良可念也于鱗五馬之請當在暮秋而子與上
分曹留中不報豈惟聚散多端岐途偃蹇彼與國

甘之矣。足下本以烟霞之徒，得遂初服，採芝鍊石，所不成矣。為文詞，益復凌虛駕空，不可羈縻。僕常言：人世祇有二道上焉。者乘青雲，弄紫霞，而次則宏詞麗句，照耀今古，名並日月，莫得而掩焉。足下將無兩得之耶？僕之為心，足下所知。謝客巖居，不敢自棄于斯道，以負知己。近日採藥深山，遇異人授以大還之術，意將文詞之業大就，然後躡屨而從焉。山中偶值貴鄉人，附此往訊，用申前盟。茂秦南來，則僕有浪遊五岳之興。羅浮雖遠，幸為我選石相待也。臨風怊悵，不知所云。

報元美

三月驛書草上，不盡。後數日聞海寇，亡吳中太倉。急僕披衣中夜立，為足下徬徨行，累遣奴往訊。奴惧不敢問，舟未嘗不對客欹歔也。昨護戎回，知吳中大定，使持手書，又至大慰。新詩佳，帛厚我厚我，進使者問知足下戒期，北上郵書已去。來論乃欲僕一會者，甚厚念也。謹勅小奴，遲君江滸，聞足下已納吳姬，復有廣陵之娉，向詩曾聽玉人簫者，真聽之矣。君當重謝我詩識也。而廣陵人乃顧不得聽焉，大恨大恨。

報素二丈

東去海上咫尺耳况與丈又經年別也乃不得乘舟
放舸一奉顏色顧辱再遣使來佳篇枉惠把讀斐然
離緒交情轉加慙篤海內相知愛孰逾丈哉更讀諸
律詞調精工妙非言及即使拾遺手綴何加焉所諭
東土蕃瘼備見仁人君子所為心者月借州貳移楫
湖東蓬蒿蔽空舍無遺德父老環舟呼泣舟中者無
不人人墮涕罷酒也州貳移書于府府亦有報言及
僕力所能及豈敢有愛也使還附謝近卜墅頗佳十
月既望魁竹仙棹摘蔬治醢細譚款昵耳

報徐子與

子與足下僕與足下交至驩天下莫不聞也別足下
一年矣乃不能馳一价奉訊足下吳卿移書讓僕謂
僕以山林自驕足下豈亦有此誚乎秋中屬使惠之
以書萬里長思頃解復結矣僕以今夏下築湖南羽
扇葛巾高卧明月客善長簫被以采蓮之曲極恨不
與足下同之也元美秋中過我草堂把盞狂呼猶作
長安中態四顧諸君不在重自傷念于鱗竟以守出
乃得欄園讀書元美言于鱗于僕謂其長揖不拜官
長也斯鱗哉斯鱗哉梁卿落莫山中竟無音耗僕深
思之常蘇上墮涕茂秦近復何狀吾輩尚壯此君白

髮種上矣。吳卿還楚，過廣陵，乃不願我，祇以詩寄我。又大讓我可恨，足下以書去為僕一謝焉。進使者問知兄嫂諸息俱亡，恙尊公起居健更為足下大喜。使復至甚勞，具言奉報用謝踈濶歲暮在客，霜雪凄其，幸謝故人努力自愛。

報頌國子

凌江來拜手書，兼篋采發書讀，知足下之慮晏君深也。慮晏君即慮鄙人，又聞有重貶於晏君，又即重貶於鄙人也。鄙人所感於足下，豈下晏君晏君固辭遣使者三以身者，再士之義也。願未可驟却以逆於下。執事鄙人謂晏君強留晏君，姪強留以待報命於他日。少江子為鄙人言足下近讀遷史，以得指嚮矣。鄙人嘗有言外史記言文外盛唐言詩，即言學者外孔孟何適哉。鄙事何敢辱，既附謝言於少江子，更圖專使致意焉。

報唐文

鄉者一奉顏色，頃隔兩秋，歲序不停，軫念彌篤。春間聞公恙，兼夷警俱宜，馳一介東訊，會鄉園多役，心跡並煩，申楮輒蠲，命人屢罷，彌年抱耿，竟坐虛無，幸長者猶能俯諒其心，不然者僕何辭焉。使來錫命，愈益

驚悚儀厚情豐無所仰藉教言款篤申之以規僕雖
不肖敢忘長者之愛哉佩以周旋感戢無已茲行例
不敢辱旣然以長者百里遠愛又難以他旣並也謹
拜海品之惠餘者輒因使返并附一言以謝相違益
遠臨楮增情

報姜使君

侍燕彌日益茂神情慨然有凌雲氣視世之束纒
惜冕顛領其形者生淵矣重使夜臨奉教增悚我公
期我于風塵之外復誦人世辯文何故哉曠謝拜命
以稱君意若全後則羣公有此命矣復受茲直將安
置之乎輒因使者反報其感愛與受鈞也

又報姜使君

公之德在鄙土之奠居帖食者俱公賜也公且不忍
費其孟疏斗醜僕鄉之鄙人也自竊章服徒士大夫
游曾未絲髮以報父老子弟乃儼然而受其數金何
安也則遂友報命于下執事以不敢重已之過以毋
負我公不忍以孟疏斗醜累民之心不意我公過于
用情切申前命奉諭數過愧汗沾衣終受則負鄙志
終辭則大負公旣而思之與其負公寧負鄙志於是
東鄉再拜而受之尚思終遂鄙志則公必有以許我

矣

報徐子與

客塗一聚，兩夕作狂，幾失天地矣。王程各迫，遂令分袂。後夜對俗客，輒欲掩耳。當是時，思君更切也。自郵抵淮，束帶拱揖，連日夜不休。尊君詩并鄙謨，竟不得一問。書之，贈門遺几。上付鄭使君，而所云者，至濟緘報計。足下尚在淮也。舟中臺上一作努力相聞。

報何侍御

世道日趨，士節愈墮。縉紳先生，高冠華鳥，乘良刺肥。雍容雲霄，坐期鼎錫。其視國家利害大計，若罔聞知。

其事者，委之分有所拘，即當其事者，又委之勢有所制。惟取夫不切利害之端，亡闕身家之策者，縉紳袖綴便已。赫然稱才雄，視流輩矣。足下獨為國家思千萬年長遠之圖，即又毅以身任此世與前者同軫，並駢執紼，讀大疏，令我飛揚孤嶺，北未會憲旄，西驚雄心，鬱抱披拂，亡遺登高作賦，索楮揮毫，閣中鬼神至今颯然動色。誠百年嘉勝矣。展別東行，夜抵夏津，形神困頓，僕馭顛顛，行路之難，令人興嗟。高卧兩晨，方得束帶正擬，命筆謾理鄙語，以待將命將命，乃今晨叩門至矣。起奉華牘，展閱數過，深用慰喜。次于

面侍也使去附致耿七兼謝宿擾

再復何侍從

野利辱罵再搥清揚高閣禱庖長空飛翰珠垂玉燦
霞爛雲蒸青蓮並峙江山水標日月而僕以踈狂羈
旅借陪盛馭法地離去生欣附驥更辱深傾意氣大
道難躐海內相知別處所寄書文在別山門念車馬有
冷色恨不得以身當之邑吏西嶺傳命相訊悵然用
恐又知前日驛車遠問寂寞落函涉旬日念累紙捲
以周環益增凍結僕別後即取讀讀帝跋伯諸君命
老驕選方茶與煉水令尋次寒風如刀後山僧至

藏經殿盡發其所藏佛經讀之篇目浩蕩意義深逸
耳目外駭心志內灼忽悟浮生如寄真空可依形骸
為絀聲利為杵何時拂衣長往窺此禪闥來論謂讀
檀經有悟兩心如契誠有味乎其言也數日專理芝
石遂罷吟咏無以復命有愧高旨別論感情受教兩
不敢忘使旋謙申鄙款以致謝于下執事至於寶筵
再叨重以殺醜則來論所謂感在言外者也僕已上
望日戒輒北鄉深謝慰留泰岱在南遙切瞻企

報吳明卿

與足下別長遠矣去夏真丞送一書握讀數過怡然

增情偃卧空山函報亡路及元美至奉一書一詩乃
知使節還楚過門不入祇有愧嘆洞庭浩渺音書益
難計今秋使節過揚必得一覲遣使江滸往遲前驅
元美書來乃謂足下擁二姬從西北徑趨上國令我
惆望彌時潛然泪下關山迢遞羽翼參差足下讓僕
以山中自驕寃矣寃矣射陽湖上遇子與謂足下詩
思益雄恨不能即夕見足下握手大呼命楚妃烹鮮
進醴為荆高飲也今已整輿上塗即可北鄉思君數
詩進首足下亦必有相懷者

報徐子與

也洲上携尊嘯歌中夜自謂長住薜蘿永奉杖屨
不意世網未捐舍身告別又辱長者飭饌命我贈序
長歌琅然金玉當分斯照于中洲萬象豈僕敢專承
之孤楫渡淮甯道馳驅問舍薊門報眷矣一接
世氛眠發失度劫更况廣一瞬十庖回首昔游茫然
悵結違來忽已春暮鄉園愁色如何一念相懸日夕
千里長者何以策之伴歸寸牘代謝塵空易泊初抱
難舒不靳誨言振我心感

報徐丈

還廬累歲數承顏色回樓賜譙款洽中宵別時復以

酒食相召，長者之愛，僕何慙也。鼓柁長淮，便隔千里。言念高韻，漱若河山。一行作吏，百苦相攻。遠憶青門，行吟軫慨。鄉公語我，以年少功名，不可坐擲。用是惜。乃今轉覺，岩栖獨勝。耳伴啼寸楮，代謝春氣。將落。暑來之，強復自愛。遠人增想。

報陳丈

故園參侍，篋與時同。楚地同渡，灑酒控別懷。德比轅閔，川共遠。贈言在，實分。念至啓而讀之，至盛。獲秋陰之句，經心離思。萬里人伴，啼尺書。展謝楚雲在望，抱情如何。春風放流，帶自愛。

簡沈丈

還里得奉長者几杖，毋承大論，輒洒然警心。賓筵再叨重之佳編，芳耐耳目。以腹俱被愛矣。孤棹渡淮，霜雪間阻，新春方得抵燕。並聞起居，違和尋知，即復昔健。甚慰車馬稍閒，謹遣介問安。冀布謝悰，于下執事。公年既高，且鄉中人靡不人人賴公者，強為加餐。

報沈二丈

僕之歸樵湖上，至寥上。也乃公儼綸巾，辟裳而日臨之。月下分題，雲霞共麗。花前作嘯，魚鳥爭趨。至於片語相雕，千載同奮。寸心披露，彼此獨照矣。別時辱公

自箋而萃之羣采且。以牋遺我幅上而情即幅上
而感也。排律一章惜別。二章每一歌之便生點慘攬
芳草以增愁。把桂枝。三嘆息公之念我與我之念公
何殊哉。洲上草堂得一培。當不令穢。第曰鷗然侶青
蘿失色。寒江聽雨。徒。以意思一抵。薊門便與案牘作
後。稍得王。具二子一。飯之春。中間公渡姑熟。訪陳使
君。使君奇。與近復如何。澄江憶謝朓。石懷李。飛翰雄
篇。當令今古並峙。至。車馬已定。雅思稍整。十記諸牋
行當改之。聞讀細。集。令人內悒。選梓。恐未易談。郭
集已得不公。春未。山句可使遠人待聞乎。

簡素二文

東髮侍遊。誨愛所被。歲月共遠。歸漁湖上。寒夜停櫂。
三錫名章。群雜生色。只尺一水。竟阻展覲。別時奉華。
牘。珠品。牙。切。燦然。盈。昔。每。石。資。陳。樂。未。嘗。不。嘆。雅。愛。
之。殷。流。也。首。春。抵。燕。便。與。簿。書。作。伍。沿。江。白。石。抵。有。
水。嘆。長者。能。卧。累。芥。蒼。生。繫。望。雲。蒸。龍。動。區。宇。駭。看。
雖。欲。長。為。東。海。主。人。詎。可。得。乎。南。中。疏。報。新。夷。日。來。
且。不。能。忘。情。吾。揚。天。下。事。大。可。憂。豈。桑。梓。屢。念。而。已。
長者。目。沐。心。計。以。為。如。何。

報素子敬

婦無決歲再辱枉揖雖倍昔好行時百里尤全特騎
別我金石有銷此情難滅海有雲復朝夕需之啓口
是足悅然動念一別已涉冬春薊門塵事如舊回睇
舊疆關川悠遠時憶同心但有長慨足下雖塵中涇
平霞外濫江上秋風崖枝盈把英雄颺起萬里長驅
僕將分華割榮而後馬幸甚幸甚俾端寸楮代謝既
已煩心且且應口投草上揮手不期南雲頓注便翔
如兩惠我德音

報孝四子隆

負瘵江干故人辱再訊之別時以華續
情的推食義切解衣感結在心固有捐替足下禮績
典述淵停霞爛耀華炳采即可長奮扶搖竊快平生
以效鼓舞僕一抵薊門塵埃盈抱崑山舊業徒切憂
想故人何以教之

報孝文學

客冬塗得尊公新命遂具刺托郵卒往報計不至遺
也行時辱特駕豐賚心則內之挹佩無已足下殊求
峻拔華譽雲翔窠廓萬里秋風可待世德重炳照耀
江海美尊公當久視事新署家報南去幸為寄此翹
情俾端寸楮謝情長詞簡臨風增結

報唐丈

負病還里未得東徒長者游長者則頽儼然辱訊行時又百里命使而遺之貶品精滿筐也此其情不既殷上篤厚哉乃僕何以報焉睹南中近疏知島寇益肆累大江南北而棲之則東海不保無恐長者桑梓之念定復如何伴婦寸楮代謝節候方邇遙知起居亡恙更祈加愛以慰流想臨風不勝悵悵

報唐子晉

往者卧病疇隴辱故人進艇來訊披覽雅教俯仰在念理揖問道載辱錫言奇品殊采遠情充溢僕將口

心藏歲月同積矣一別舊廬冬春改序霞石易風埃難洗言念同心喟馬傷念足下手控璫致采注華流行為天下大觀而觀者稱快席籍輝同志者可諒也伴婦草勒申謝長安日近北翔有期行承德音以慰飢渴

報徐二丈

山中數辱問舟一酌一咏江山共遠非鄙心專蓄也賓筵再侍錫以華章每誦明月百花之句遙情飛越登輶北鄉便涉冬春一作行吏舊抱頓遠我公疑真掇采山峙淵停出而躍馬垂纓自不塵緇其素萃上

如僕者去住俱荒矣歲序殷流計階甚迫懸心風義切于飢渴尺牘布謝詞不宣展楚天長望不任翹挹

報趙子隆

鄉者因病山居屈我故人頻問弄危落日握手春雲至於向侍華筵重頒盛品愛被于身江湖共深矣夜別遂不得再奉顏色北涉累月始得問舍一作塵容便視丘壑星淵也足下春來結綰日縹雲流蒸鬱飛揚當今海內一作未得披拂今更悔之看花之

期僅違咫尺燕樓一作侯整舊歡耳片楮申謝鄙衷

不及繭纒

報解應堅

歸樵再春足下厚我重屋尊俎之情枉誨雄文深談中夜十年舊愛加勲轉篤矣孤棹渡淮關川頓隔歲序不停忽焉春暮懷人望遠含悵如何足下淵識俊才流雲耀日秋風只尺翔奮有期慰藉慰藉

報解應儒

林棲寂寞辱故人時一放艇為我破之長嘯雄談賦然丘壑兩抱擾庖人情文楚上以其咸愛豈專危巨哉揜別而北一瞬經春江山悠濶遙然流想春來雄誤鏘金鏗玉布華舒采一耀萬里矣寸楮致謝詞短

緒長北翔有期不任延結

報陸子和

鄙人初過里也足下海樓既歸始得時上奉顏色洲
前蘿聲頻辱停舟遵渚長吟弄花曼嘯擁衾中夜倚
陳雄談斟酌千載悚悚萬象夫世網相牽忽焉展別
故人不忍別我命或草堂出醕肴而飲食之意黯然
相照也復遺石漿龍品長塗朝膳皆需之矣客舟寒
月時復窗中出所函佳序讀之一讀一嘆才峰峻整
儼布雲流所談左馬李杜俱鄙人蓄之意而難于詞
者得足下數語今可投筆矣春抵荆門便為世事所

通據案治牘長詞素懷思托寸楮展書輒廢楊陳意
至則拜遠書于庭大憲 函啓讀恍若參侍復繫之
儀棟矣足下殊采絕調卓立華倫會時龍變當以文
章主盟區宇青紫浮榮僅高人之緒非鄙人內所相
急也鄙人即日坐塵埃中寄心特遠時與王吳二子
握坐深語共策不刊外是者迹與之游心去之矣奇
人偉夫宇宙寡上言念同心渺然東海去住不愜關
山增怨伊歸口牧代謝詞簡緒多江國春深強飯自

愛

報陸長庚

溪上結廬幽棲咫尺頻辱進艇叩我石門對落花之
續紛坐明月以嘆息玄言獨契華藻時抽取足寸心
便擬千古秋夜深談河山頓隔一水盈匕竟阻握手
是造物忌之矣既渡淮稍得謝客乃索篋中佳序竦
意而讀焉一讀十起頓足長嘆自束髮內交茫匕日
遠足下以數語紀撥往跡恍然昔驩意氣不殊容髮
漸改因之傷念及讀洲上語則又洒然快心足慰離
索矣一紙無便作索贖中人奉吏環趨如對鸚鵡百
苦攻人肌骨欲痛啞狀不能緩報恐百花樵客聞而
笑之足下龍卧沿江雲深霧遠丹經在握白日難欺
所以其餘縹緲昔采伴左馬曹杜相顧失色吾人之
上計也頃者春水漸深魚蝦可網足下箕踞相嚼散
髮長吟亦有一念以及遠人乎奈何其亡妬也伴婦
寸楮申謝時散少死爛目且病命史書之

報李伯章

返耕湖上得時上從足下游明月携卮寒花拍瓶酒
酣作賦四壁琳琅風雨笑談中夜攘臂薜蘿搖風鶴
鷺驚呼此人生之極驩也幽思方殷離歌忽起足下
念我石二三同志為別草堂大夫人手調羹而食之
贈言二章慷慨莽恰如河梁語即千載一情也孟城

枉別乃百里特駕此情真與江流北遠鄙人將消海
而藏之雨雪渡淮離情慘黯長路驅馳獻春始得同
舍躍馬投刺束帶理牘外煩中快孤坐含嗟洲上百
花繽紛春色胡為予來此鴻鴈未稀尺書難緘乃辱
飛翰雲塵溢之嘆息足下偉才淵識湛于真華高步
蒼林以快天下耳目秋風得意何俟筮決乎鄙人將
抗酒罇足以待

○崔高子明

卧病江干頻得故人來訊雨中連榻花下飛觴進艇
長波散髮弄月紫簫玉笛颯起中流白露可殫天河

在袖此人間至勝而僕得與故人共之屢待賓筵大
揆侍子臨別夜召酣洽萬端至於遠別淮陰踟躕中
路江之永矣不可方思故人之情曷有窮已渡淮而
北忽接飛翰一慰舟中稍燕輒取十二絕倚席歌之
翻七乎若乘浮雲而上征抱明月以遠遊擬采古昔
蓋唐太白者流也王子有語躑躅不敢前一出萬象
驚其語殆足下者一抵薊門便折腰從吏然時從王
吳二生尋深松茂林而樂之恍對百花春色四顧同
心渺焉千里輒自傷念足下時過洲前懷人望遠為
情如何幸為我寄謝薜蘿當不久相負也足下抱朱

鳳之文懷白雪之才自當高翔寥宇以快天下浦上
烟霞不得久弄矣伴歸口授代謝汝國春深江山懸
隔梅花有使莫靳報音

報徐養浩

揜別俯仰芳草搖綠春華如此客意何堪憶昨歸樵
幸從足下朝夕花前解珮湖上停撓弄月放歌採蓮
高醉晴雲微鳥漁笛滄浪華句一垂江山共峙高樓
兩召卮豆如雲瑤琴獨遺山水在聽釣之足下之情
稠渥矣循已雖堪寸心如結足下高才精思卓絕群
品朝華夕秀絡紛几席恨道遠不能披拂之江上桂
枝秋風獨把遙籍餘馨以蘇病肺伴歸寸楮代謝東
帶草日不旣所含北羽如林莫惜一言報我

○報頤二丈

歸且累暮未得乘月蕩撓訪足下武陵溪上恐桃花
流水相與笑之乃足下不棄其鄙時來問渡烹鮮酌
醕停卮待月酒酣耳熱箕踞放歌至於白雪彈暮青
燈對榻款談深語寸心相照矣別時扇屨之惠手足
知情牋上華篇雲流霞燦時一披拂差解相思一別
俯仰倏焉春暮冗缺裁報忽接速書把讀千周我增
嘆息雄文一帙尤見不棄至意卒其三章驚采絕

悚人耳目才既疏邈理復精純藝家如林恐望颺而
道矣扶搖萬里為足下決之佇承佳音以助鼓舞併
歸尺牘代謝東帶草勒不旣所抱

報頌純一

卧病湖海幸足下時時問之鷄黍之機頻勞侍子洲
前聽雨花下飛觴情愈懇深自信舊好世事相迫遂
令分快中宵別離然千里入春抵燕便覺塵埃盈
迫念昔賦然於心况下詞華整麗益之精粹鵬搏
鳳翔一息集塵僕將近承光采以慰翹私僕以麋鹿
之性久曠頃軫雅思日鬱太夫人文尚未能一聞筆

石亦異足下諒我也价端寸楮代謝武陵春暮花
石門長望不見豈勝悵惘

報舒惟弘

中宵揮別頓隔河山芳草生春愁心共發雨秋歸卧
數辱故人之私賓席屢叨停盃歎洽別筵再侍把袂
踟蹰十年束髮之情轉加勤篤矣旣渡淮孤舟稍燕
輒取贈言讀之雅思高才統用大息間從箱篋索得
鄙稿再觀故人獎語喟然長嗟僕生平雕慮動心厚
擬薄售未嘗不痛知己之難今乃復有知僕如足下
者筆花所及舊思頓驚即僕之自知何加焉第借譽

太隆見采特過又復合慙矣足下高才絕識卓立羣
流向未雄誕未得披拂心每恨之只尺梳篦宇內驚
觀文采流齒僕得竊觀而評焉當不讓足下之知僕
也。俾歸寸楮代謝江山無極悵矣神馳別時重談行
當緘報。

報許性之

寒霜控別嶺已殘春歲序殷流離心超忽憶昨滄洲
聚首風雨竹窗曾語雄談千古一快紅塵忽接青山
願遠口念甘游泮然興嘆祖筵一酌情共益深載錫
之立金聲滿楮孤舟遠情彼此同也矣春波正深矣
渠漸綠足下鄉所擬賦可得遽聞乎延結延結。

報房舜隆

歸釣舊磯欣陪昔侶孤艇頻繫鴈魚滿筐情慙矣情
慙矣中宵握別相看黯然一渡長淮便隔千里燕中
車馬倍昔苦攻求如洲上把盃箕踞長嘯難也足下
種積日富誤述愈精散耀垂華以光一世僅其緒耳
俾歸寸楮代謝對牘草勒詞短緒長江湖浩渺遙思
如結。

報楊國子子確

湖上卧疴屢枉携尊問渡臨流一酌情寄松蘿別時

召我中堂賜之飲食重厄累豆款愛雲稠矣霜雪登
舟賓旅稍謝輒從箱笥奉令先公集焚香讀之考詞
就班據文審奪殆才銘唐漢采割蘇曾句嘆字嗟茫
然心折他時托梓僕或得以自叙其今日求見之衷
而綴語末簡附驥千里矣若選校之責僕何知焉行
命意事小吏書其副快即以原還報不敢留珍也伴
歸寸楮代謝江湖天遠把袂何時

報盧子明

歸卧湖南辱足下携尊夜訊酒酣作賦白雪滿天聽
鴻鴈之杳茫把梅花而嘆息奇篇佳藻江山共留贈

別一章鐫乎金石比采而論重逾萬鎰矣伴歸寸楮
代謝秋風只尺翔會可期佇承光采以慰長憶

○報姚子南

鄙人束髮付遊歲月深長矣先公私愛在僕江流
比深一念未酬頃成而世深惟昔誦但有悲慨足下
高才精詣心切鄉慕頗念龍門未遂披拂至今恨之
抱藝高棲雲蒸霞爛乘時龍變豈復測識哉

○報潘子欽

湖上幽棲辱足下孤槎問渡坐把卮酒而樂之白雪
放歌青燈作賦雲深鼓角霜落蕙葭斯語一出夜色

難收矣。筮別贈章，尤驚偉麗。七言排者，喜集希觀。何足下之多才博度如此乎。嘆息彌襟，感禱益切。保婦寸楮，代謝秋江天遠。佇看朔奮，以快鄙私。

○報陸從周

卧痾湖干，聞來笑語，更得雄篇，握讀金聲玉振，銷乎驚耳也。別時又辱長歌贈我，車馬稍燕，倚席歌之，足慰遙想。足下奇文，懋起殊采，日流萬里，扶搖佇看翔奮，鄙人亦何幸遙分光采而快馬。

報張子韶

歸廬間奉玄論，便令爽心。行時辱贖，助夫無命，願心

內之矣。足下高才古思，卓絕流品。向來披拂奇文，至今結念。乘時龍變，才鋒所摧，當令羣采靡上失也。

報卜子定

歸樵三暑，足下不忘昔好。時憐一卮，而問之頑僕，所以報之者，尋來寸往也。歲暮告別，又辱趨書，召我而賜之飲食，停杯深語，髣髴昔遊，意氣不殊。客鬢各變，彼此黯然矣。握手密旨，足仍至情。足下高才偉識，敢請停講，如更有圖，亦幸報我。

○報沈潤甫

巖棲頻歲，故人不棄。時辱問之，對月携尊，折花緩語。

所承篋于丈者數也別時讌既高情益篤矣一遠青
山便苦史後回首昔驩頃成悵望吾丈時望南洲豈
亦為遠人流想乎弄璋之期近則如何介夫片言致
謝江雲在望悵矣心飛

報鄒翊明

還甲三秋樽酒管筵西等愛于足下者頗也古別再
侍華筵情款優深感愛念舊樽覺依上一去江關河
山便遠車馬日馳忽馬春暮間獻歲北遊東鹿只尺
不出惟下悵矣

報李翊文

滯里累替幸得數奉顏色山房賜召把酒論心便宛
然如束髮侍遊時也中路握別知足下戀情再展
上道河山遂遠言念高誼茫然軫懷矣燈前密託謹
結于心鄙力所及定于足下無愛伴婦代謝束帶草
草

報王一丈

歸樵湖海幸從長者遊長者不棄時辱問之叨侍華
筵重頒盛品石精之既義鈞推食高情隆渥絲髮未
酬也展別北鄉獻春始得抵燕正謀裁報乃得奉歲
暮手書握讀慘然仰天太息足下高才偃蹇萬為指

詘相別俯仰，乃遭此奮。此卞和有抱玉之悲，阮籍有窮途之泣也。願高人偉士，往不問于時，即論其至。又豈必重視軒冕而輕過蘿薜乎？足下素有霞外之心，必有以處此矣。左子性天澹朴，外誘難移，鄙人極心愛之。來諭云云，尤嘆公之深遠也。俾婦代謝，兼問起居。

報王先生

臣之受恩，蓋自執紼之年至今矣。婦樵兩歲未得朝夕門屏，乃辱我師齒之中堂，賜以華宴，魚龍雜劇，危豆紛紜，日接心裁。江山共結，我師形容如舊，臣也齒髮已強，歲月殷流，往踪在念，俯仰身世，何可為報。我師高卧朱霞，犬兄負才白雪，隱見出處之樂，可以兼之矣。俾婦寸楮代謝，江國春深，願言加愛。

報徐中丞

婦且三暮，竟未得一奉几馬，乃再承專使，賜訊私懷。悚結比于陵阜矣。行時期馳一介，報別緣閣中父老。念遊子遠出時，以酒食相召，卒已無聞。坐此負心，獻春抵燕，即謀托楮寄踪，驟無南羽。即君至，又得奉遠書于庭，再拜啓函，竦容環讀古詞，霞麗款意，淵深繆當重獎。若負荆棘，載披重錦，雲章滿握，仰愧高情，徒

增太息而已。郎君華除南閩雅稱世德，別諭枉及，僅有包慙。茲者結綬還里，奉觴上壽，明公其無樂乎？猝裁尺牘，代申謝忱。嚇暑畏人，殫殮自愛，皇俱皇俱。

報趙山人

公老矣，猶能時上過我溪上，採蓮賦詩，此非恒遊並感也。歲暮別公，公不忍別我，乃又冒霜雪而馳之淮。泝波浩蕩，北之公情淺小矣。倉卒分袂，一殮未留，念公遠涉，心旌具往，春未起居，何似倚杖行吟，篋中詩草，當與蘿蕪共深也。佳稿在僕，即為公精之。公可亡慮，奴歸寄此區區。

報于鱗

日辱使上來遺書，介卒裁報，未盡所懷。案牘之燕時，發所教詩三帙，上讀之一讀，一嘆，更讀，鄉長安中語。近者七言愈益渾涵，雖深得之象，上不能求出之意。意不能解，即杜左難之，其靡上者乎？可謂千古一涉矣。七言絕句，唯李王可以迫之，清夜放歌，輒翩然高舉如聽羽衣霓裳也。五言古不多見，律精詣七言古者，則又可敵杜云。揔之，包統羣才會以神解俯仰，寥上何哉？斯才乎淺鑒，妄評助足，下一笑耳。鄙言塵案，或一涉之，必有定議。缺

削其最鄙

者還報缺 豈不可也明卿已拜青瑣吾道生色

足下古必淵識卓絕人倫二三知己撫心長嘆豈必

取信矇瞽哉抑才 眾登高有賦不惜嗣

齊

報鄭侍郎

中塗啓謝詞多冗竇悚矣未已使來奉教乃知明公
篤念蒼生委曲援拯固甚于其鄉之人矣及觀蠲租
留吏二疏備見明公深猷遠策下濟民生上培國脉
危言切論尤足以感悟 明主會司農公極言其狀
非不仰體德意第以邊儲為辭謀其所急遂置其所
緩題復之疏亦彊言之唯在明公曲圖仁術以遍及
諸苦則幸矣使旋敬以申復

報陶明府

京國追隨所辱愛左右者至數也吾丈擁旄西騫弟
抱病南歸江山逖阻尺疏難問心恨之矣使至則拜
遠書于庭啓函涉旬厚念盈楮稍慰離悰復增悚灼
吾文治楚長遠矣即華名亡不人人誦之東南兵急
主上思得奇茂以飭中外徵書且旦夕下也慰藉慰
藉使歸往報瀟湘天遠悵矣神馳

報朱職方

往歲幸得一奉顏色歸卧蓬蒿中遂與世事頓遠旌
旄往來南北至不能馳一介出省罪矣罪矣客冬重
覲龍門犬兄 以筐篚辱之只尺江山翹佇增悵

使來錫命悚灼亡已再拜啓函遠情雲縟繫之華幣
義溢解衣統之寸心如結矣僕常謂我明英人鴻筆
日燦霞芬而吾揚獨寡七百載幸今先公虎視何李
之間而我公復大闢之佳什名箋照耀耳目豈唯江
山借色而分華割祭僕之得公者更數也公之南徙
時論靡不誦之願澄江憶謝鳳志思李音思綺語今
古並發豈至落莫哉僕至不才乃妄有意于作述之

途時唯稽度瑤篇以當私淑敬上祖牋十幅致
書一二遙寄僕當懸之上座朝夕整容環讀而致
焉拙言一帙求正門下蓋俗所云以瓦博珠也公
其能慨然許我乎甚幸甚幸

報鮑山人

累暮歸卧則長者時上以杖屨來燈下談昔悰歷上
四世公乃大父行而折節束髮者相款也德盛矣德
盛矣携牘賜吉一念千感臨別而既兼道之約書事
末卜諧意則何慙哉佩抱北轅閔川共遠也我公負
高才屈蓬荻中誰不合慨願古之奇人才既不售則

必寄之絕伎以成名我公精意天地之紀而推之隱
培博濟無論自耀其名即后之食公報者赫上起也
公老矣山中風日宜自愛聞春暎尚亟則秉耒之策
何如雨田石湖二公接疇而談大是樂事有冀幸托
報音

報王保定

一分袂便涉五岳鄉以書累御人至使千里馳蜀意
甚厚乃以途未能亟尺書謝愈慙矣開府
只尺無間寄悰頃反以書慰辱之奉命感悚足下負
駿茂華實殷彰以例誦外案誰不不第第何堪困
甚矣為 主上敷德意以起之罔不沐浴膏澤千里
頌義稱良二千石又奚取振珂道遙哉計足下必辨
此聊一質之使歸寸楮布謝于下執事殘暑尚虐人
唯為蒼生加愛

報王侍郎

蕪詞敝敫聊布下悰乃枉賜書獎借隆重祇奉周環
不任悚灼又辱重使授命綺采羝馳充爨庭階下悰
未內高情復縉辭受兼難感忤交念僕受明公之愛
與所朝夕于大兄者即隕越何報哉使歸率尔勒狀
敬致謝于下執事臨楮皇恐

報沈二丈

春暮遣奴持尺疏歸謝而訓述君至則我公旣以書
來開函讀涉句便令悵情卒牋又惓然慰喜也公之
讀我書想同之耳五月子培報家園大有麥秋則北
疇定得豐稔及六月得家大人報又駭夏潦公之歲
計竟復何如又念我百花洲上蕩然鷗鷺遊也遠心
萬折矣此有缺鄙人素厭世氛且頻歲刈霞野牲益
篤一行作吏萬苦攻人每晨出驅馬經荒園草棘中
蟋蟀振響白露拂袖則恍然憶我洲前秋色黯然而
銷不知為心也公將何以謀之我公高才自

不廢吟弄奇篇俊語可使遠人得一握翫乎近與王
吳二子徵逐稍有數語第付草胥侍已亂錯麓笥中
行當手理之寄請也訓術君歸附以布其區上時坐
省中治牘從羣胥旁歌斜書之公閒居又時上有閭
人來當頻治一書報我諸牋十記歲暮為期也

報朱職方

日辱重使使南鄉還報題尺疏以謝附之蕪言已發
乃悔亡追矣長者負金馬才久淹戎署秉軸者時上
言雍容禮樂稱也遂以主客上請命下薦紳先生
靡不華艷而巫道之僕又何問焉劉藝有白下之役

輒此布咽其人孤騎而去。不能有以將質。尚容專道一介徑叩門下鄉者。粗箋計登蘭藻。臨楮不任翹翹。

報萬按察

挾刺登庭者數矣。竟未得奉顏色。展慙款。乃今憲旄漸遠。所馳情于左右者。真與江湖共流也。赤炎方烈。客途幸自愛。小吏遣婦問訊。老父異托將禽之列。倘容執楫南徙。幸甚矣。幸甚矣。倉卒布悰。臨楮增悵。

○報劉一夫

數千里外。得長者時賜一書。以慰長想。即亦甚幸矣。何至更辱饋遺。則不才益將何以報焉。書中情意甚

殷。即長者之不忘老父。知老父之念長者深也。至以上下相孚。才德稱位。語不才則不才有深感焉。夫才德不稱。固自知之矣。至於不孚之病。則尤不才為甚。且今世之所謂孚者。何哉。日夕策馬候權者之門。門者故不入。則甘言媚詞作婦人狀。袖金以私之。即門者持刺入。而主者又不即出見。立廡中。僕馬之間。惡氣襲衣袖。即飢寒毒熱不可忍。不去也。抵暮則前所受贈金者出。報客曰。相公倦。謝客矣。客請明日來。即明日又不敢不來。夜披衣坐。聞鷄鳴。即起盥櫛。走馬抵門。門者怒曰。為誰。則曰。昨日之客來。則又怒曰。何

客之勤也。豈有相公此時出見客乎。客心恥之。強忍而與言曰。亡奈何矣。姑容我入門者。又得所贈金。則而入之。又立向所立廐中。幸主者出。南面召見。則駕走備。伺階下。主者曰。進。則再拜。故遲不起。起則上所上壽金。主者故不受。則固請。主者故固不受。則又固請。然後命吏納之。則又再拜。又故遲不起。起則五六揖。始出。出揖門者曰。官人幸顧我。他日來。幸亡阻我也。門者答揖。人喜。奔出。馬上遇所交識。即揚鞭語曰。適自相公家來。相公厚我。厚我。且虛言狀。即所交識亦心畏相公厚之矣。相公又稍止語。人曰。某也。賢。

某也。賢。聞者亦心計交贊之。此世所謂上下相孚也。長者謂僕能之乎。前所謂權門者。自歲時伏臘一刺之外。即經年不往也。間道經其門。則亦掩耳閉目。躍馬疾走。過之若有所追。遂者。斯則僕之福哉。以此常不見悅于長吏。僕則愈益不顧也。每大言曰。人生有命。吾惟守分爾矣。長者聞以得無厭其為迂乎。鄉園多故。不能不動客子之愁。至於長者之抱才而困。則又令我愴然有感。天之與先生者甚厚。亡論長者不欲輕棄之。即天意亦不欲長者之輕棄之也。幸寧心哉。

此書高州一書。古史。卷之十。徐。物。一。門。中。說。出。於。不。心。

客之勤也。豈有相公此時出見客乎。客心恥之。強忍而與言曰。亡奈何矣。姑容我入門者。又得所贈金。則入而入之。又立向所立廐中。幸主者出。南面召見。則驚走匍匐階下。主者曰。進。則再拜。故遲不起。起則上所上壽金。主者故不受。則固請。主者故固不受。則又固請。然後命吏納之。則又再拜。又故遲不起。起則五六揖。始出。揖門者曰。官人幸願我。他日來。幸亡阻我也。門者答揖。大喜。奔出。馬上遇所交識。即揚鞭語曰。適自相公家來。相公厚我。厚我。且虛言狀。即所交識亦心畏相公厚之矣。相公又稍上語人曰。某也。賢。

某也。賢。聞者亦心計交贊之。此世所謂上下相孚也。長者謂僕能之乎。前所謂權門者。自歲時伏臘。一刺之外。即經年不往也。間道經其門。則亦掩耳閉目。蹶馬疾走。過之若有所追。逐者。斯則僕之福哉。以此常不見悅于長吏。僕則愈益不顧也。每大言曰。人生有命。吾惟守分爾矣。長者聞以得無厭其為迂乎。鄉園多故。不能不動客子之愁。至於長者之抱才而困。則又令我愴然有感。天之與先生者甚厚。亡論長者不欲輕棄之。即天意亦不欲長者之輕棄之也。幸寧心哉。

此書高村一初公使有乞于徐物一門也說如此不

報孫子升

鄉者卧病湖干。故人念我，兩進艇而辱訊之。握手坐
芙蓉館中。停卮譚昔，便宛然如執經侍遊時也。一行
作吏，便日與案牘為伍。已逾寒暑，且不得閒裁一書。
南謝故人，即故人不責僕。上之渴，飢何解馬。邵生來
乃儼然持華饋，貽之僕。驚起，搥讀厚念盈楮。既歡然
喜，已黯然內銷也。蓋離別誠難矣。足下負異才，久詘
蓬蒿中。大抱英雄之恨，決意天人無逾。茲秋者，獨把
杜陵。飄天路，恨不令僕見之。乃投竿秉樞，釋羅襲
衣。又僕于足下，內卜無疑也。邵生趣歸，急屬微痾，遂
猝裁。往報於承消息，心目共南。僕已為足下覓長安
酒樓，買胡奴勒馬俟矣。

報陸長庚

暮春一為緘報，便又深秋。望足下片楮，心目斷絕。豈
忘之。或遂棄之也。家大人書報六月大雨，至使鷺鷥
棲我芙蓉館中。則足下南野當不能拒波浪。浸几矣。
細君諸郎，君豈安水居。即冰中拾一二穗，積歲計何
恃。大為足下稱苦。足下既苦窮，乃禹君又竟長逝。又
何也。德歲僕走別禹君，則禹君曰：挾刺訪客，僕意既
能挾刺訪客。又安有病。即病亡慮也。不謂遂已。夏中

方對客殮聞之輒棄殮泣數行下此君負竒使氣口
期上又好文致其詞以俱可書足下宜書上成報我
當不使此君遂泯也其孤孳抱影何恃為命足下及
伯章諸君負高義當後已而先之檢箚中得精直二
金以道遠不能買隻鷄斗酒而哭之足下其為我遺
諸其孤時夜自省中秉燭書此朋好星踈存歿闕念
投筆長歎不能為心想足下同之耳

報劉按察子成

鄉者僕負瘳婦公為之賦八章歸我此義便金石共
垂也山中睹朝籍知足下持節萬里則人喜再入燕

後諸子游輒口足下義使來辱賜命握牘太息即足
下不忍棄僕上則何當馬吳越兵問海內煽燿計教
豪杰屈足下者多秉旌靖氛書麟垂帛片詞隻

色江山者安能為偉人頌之前使投書不再至昨在
王中郎邸中見後使始得口授數語往報

報顧園子

山中雖不得數見一命駕再投牘情深矣往歲聞崑
寇上通知足下坐烽燧于戟間亟欲馳一介往候因
循北轅遂至自負怪訝者數也陳公入賀則為致足
下所賜書于庭輒啓函請知尚苦家難大多忿鬱不

得意之詞豈天道人情卒情上哉何以故何以故再
授新祥章讀之率多涉目者新詞一二更大佳此使
可垂世範物省錄云者謙矣陳公歸輒口授教語往
報致其區上秋氣漸高行矣自愛

報凌文學

往歲山中辱足下再訊此情一著于心難解也後聞
島夷寇通急則豈不欲遣一介慰足下憂恐願粹無
健夫可任者及聞寇退則遂因循北裝無問矣陳公
來問足下則謂足下之恨夷最甚稍言狀令我怒髮
上指冠恨不手縛夷嚙之願自兵聞以來松楸廬舍

蕩然燼爛者家怨人忿矣寧獨足下哉足下不以僕
言為然則請問諸吳越陳公婦對牖布帛用申下悰
唯足下釋然於僕之言毋沉憂自累則僕亦甚幸矣

張晉明府

山中幸供芻秣別家時又以遠命辱之日策馬塵中
缺然訊報乃又辱使命遂使愧汗浹衣矣具越連寇
頃且揮戟江門人江南址騷然震恐幸恃旄干猶足
捍搆不迓者危也海宇多故方賴一二豪杰援拯即
不寧其家而蒼生恃焉固大賢之所甘也使去口授
布謝于下執事

報趙山人

趙先生來辱幸賜書又賜詩詩七言凡五首誦之鏗鏗何其詞之粹麗也即情又恭厚乃不能綴數語奉酬山人山人其信我冗上知山人老矣願益賦詩寄遠作少年語即山人少年時何如又恨不能以身當之也風塵中事不可聞于山人山人善自愛即今世求如山人頽然稱八十老矣而猶作詩若此者固已鮮矣

報惲按察

鄉者幸從足下西署遊也則時上教之以此其情深至矣及足下擁旄西驚僕亦負瘳南歸關川悠隔尺書難報祇以長嘆足下不棄惠然幸以書來握讀增感足下秉鉞治楚聲稱炳蔚私心快之興作繁苦犁然底績非足下貞憲節允公私不幾困乎即非足下之大者亦徵之矣冗中口授數語往謝秋氣漸搖落唯為國事加愛

報劉按察

竊誦名德而心嚮之長遠夫人人事參差已繇望履鳥奉末光心則甚焉海內多故征輸盜賊蒼赤大困魯齊之墟非復昔日隆甚矣非明公以干旄臨之則何

恃為濟乎此鄙人者所為欣上誦說太息德業之光也便羽敬以一言布下悰餘惟執事者諒焉

再報孫子升

邵君羅棘校則負笈去已函尺書足采往報其尊君既在無城中當不至浮沉也有司上比畿賢書則邵君已炳上高列即其徒則師何疑焉日夜望佳音心目已斷恨不併口首見足下名為足下頃足起舞浮白稱快也舍弟倘幸執鞭斯稱世好夫人婦附致耿耿昨者鄉國故人遺我數醅甚佳未敢開也謹命侍香藏之以待足下

報陸子和

暮春題尺疏遣奴婦謝亡何子培書來則報太夫人沒江南足下已匍匐往江南治喪歸也是日為足下頓足起仰天長歔潛然泣數行下夫足下負才久屈時人翕奮以快一戰而又以太夫人之故奪之且未夫人三十年勤苦以成子才中道棄去又令尊君日坐邸舍中咄上悲也僕誠私心痛之僕又聞之古聖人慮賢者過情嚴防之曰毀不滅性足下束髮讀禮豈亡親于此言且足下一身亡論繫關至重即太夫人所不瞑于地下者猶日夜急也足下其善自愛足

下儼然衰經而廬悲悽之燕時召二三子與之采極
千古經緯群藻勒一家之言藏之名山傳之同好則
所報太夫人者固遠也古稱斷機截髮者豈必以簪
紱期子哉况簪紱又足下有也沈訓術婦借布一言
以效區區緒長詞簡臨風悵結

報宗丈

暮春具尺牘往謝及二兄抵燕則知我公已携家廣
陵矣舟夷未息則海上居者時已憂恐我公審勢度
變急去其危而先就其安若虜至而為之圖無及矣
家大人心揚已久今且惕寇則鄙心亦急之城中倘
史孫光祿二公披衣驚喜明日會于朝相與大笑誠
快之也誠快之也屬有便羽南歸草布一言以賀
人孤騎不能有所將更數日有舟者歸更圖之

報于鱗

秋來不得足下一紙甚恨及書來乃又爽然懽喜也
哭梁詩精絕所謂風雷不可開者神來哉神來哉懷
諸子僕句更奇吳生乃以足下後僕于生遂為信抑
恐足下不然也足下諸體各極至七言者高雅奇秀
卓絕今古更百千萬世愈益難耳而僕近頗得意茲
金雖不得仰同足下益亦庶幾焉聊寄一二足下讀

之以為如何徐生再來頗為吳生所苦要之皆
中人也握手不遠聊布區區七歲寒加愛

報劉明府

憶與足下握別僅俯仰耳而歲月忽五更也則豈不
欲走一書往訊願又以人事扼束強之足下不罪其
踈乃使使馳數千里來辱手書慰藉意沾七原也上
采名畫則非所堪之矣第倍為紳先生末議毋言江
南賢守令則必首足下僕誠私心決之至觀諸監司
語于足下者言上雋也則又喟然太息嘆我同志之
盛焉弟吳越困兵火中久勞大賢區畫 園家訂勞
以酬則何以處足下時坐薄牒中草勅不盡鄙臆

○報索使君

節旄抵燕辱長者不棄枉佳幣以臨之在僕者宜朝
夕侍而以身在車馬塵氛中竟不過取一二間奉接
顏色乃其行也又不能取祖道以勞與人以其愧著
於心難解矣惟長者或有以諒我不然者僕誠懼焉
家報一通敢累使者以致家君書不能悉鄙臆諒長
者能道之也萬里長途惟長者不忘情於家君則豈
惟家君之幸實僕之幸

報鄉中父老

家大人憑恃諸父老之寵靈而以並耆稱則既已受
貺矣乃長者不棄其舊而又儼然辱之以言登之樞
宇星辰並麗也則豈惟家大人賴之其自臣以下皆拜
長者之賜舍弟以報書來乃在歲之十月而臣是時
方陪諸大夫末議計吏省中嚴不得接家人語今年
春二月休沐始得把書始悉長者所為錫言於
家大人狀也則命符子焚香南鄉再拜而謝之仍遣
一介以申于下執事其能上壽長者之前以效其
區區亦惟長者諒焉

報王司馬

不得為一書南報足下會頌二丈至問足下則云近
已家城之中閫而朝夕者仍北郊別業別業事上幽
矣則鄙人所謂綜緝千古者其在斯乎其在斯乎鄙
人負薜蘿之性彊遊塵中時上怨之近復同志窳落
世變駭觀倘得長往漁樵以與足下遊幸矣幸矣叔
氏南敬以一言問足下其足下錫言於家大人者別
楮申謝矣

報高子明

僕之不得從足下湖上遊再看春色矣故人念我時
時治書性訊微言歎語骨肉同之願游子日坐簿牒

中且歲時有計吏之後紛上馬竟不得具一言往報
所恃自解者幸故人或有以諒我不然者僕誠懼焉
足下之誦甚矣日望其信不信也豈天之信人易於
其小而難於其大哉則何故則何故僕之能悲兄之
誦而不無揀于誦是僕之負足下深也穀氏云名譽
不彰朋友之過則僕之過奚以請而釋之太夫人起
居亡恙嫂氏新姬消息如何其所為慮我二人同之
矣鄙人在野成習一涉世氛日增怨悔觀於近事則
愈嘆薛蘿之難鳥足下高卧江湖勿以用世之念坐
而失之徒令他日生悔如僕也叔氏歸敬以奉候起
屠春芬方鬯頤言自愛以慰耿卜

報頤純一

湖上之為別者再春矣則豈不欲時奉一言往訊願
以氛累妨之其自秋十月以至春正月晝宵省棲也
更難耳秋捷之望人心翕歸竟又報屈深用太息然
梓丈開之足下橫之武陵溪上霞縵星燦夫太夫人
無恙諸郎君日頤此便足為樂春疇告急未報交作
足下携二三子執卷談經時過阡陌而嬉焉則其靜
心瑩念真足綜千古而采其精華大業所就便當長
駕一世豈但章蔽小小者耳叔氏歸具言往候北翔

有便惠我德音

報李伯章

與足下別湖上而來日月長遠矣乃僅得一書問足下即足下亦僅以一書來既以計吏之後日驅手足耳目以從之即足下巖棲者亦或參差羽翼之便即兩有念其誰達焉每一軫情輒用太息秋間日竚佳音復爾報屈何哉天意乎抱璞而泣昔者甚之以觀于近事亡怪其然已第其璞者終售且受上賞則足下又何慮焉太夫人起居無恙郎君日駁上有凌雲氣足下俯仰為心其樂如何鄙人別老母而北且與

家君六年別也今又不能使之不萬里遊又自顧鄙人之身才矣則益嘆足下難耳舍弟罷歸書來頗憤尚幸得從長者游是用釋然於鄙衷足下向與僕言甚有念於漢魏夫詩至漢魏上矣李杜稱聖於選則視二代愧焉既善選矣則律亡難者猶探源而可必之委也別未有述一一教我叔氏婦已附一言以謝足下之錫言于家大人者更言之以見鄙悰其示報言慰其杼軸

報于鱗

足下之以諸子來辱也不能效吳黃門所為勞御史

者謹獻家鳧之子二百而餘為佐太夫人朝膳足下
倘以為不辱則命饗人內焉

報于鱗

足下東遊長安則携二三人時上辱馬一觴一嘯星
河倒流天忌其盛一朝而去而生已乃具生罷為從
事徐生且以使事並具生南僕孤立矣明卿謫且更
得志日驅徐生醉我邸舍中而王即亦時上以郵書
來獨不得足下一書為恨乃使者則儼然函書采而
臨之手目啓函讀川滙上下也太夫人起居無恙幸
甚足下為郡簡無尺帛有如一曰振衣去則太夫人

何賴焉足下之念太夫人深也又不欲以一郡為太
夫人憂則去住誠難矣來詩八章神才奇秀意興慷
慨天地間安得此語讀之亡怪今日窮也鄙言二帙
辱足下有至言凡所點綴我者欣然有當於鄙心知
我者鮑子也即使僕裂冠毀冕放之江南而沉之復
何恨哉二生欲會足下于漳水之南其所語足下書
於僕為其尊君索言於足下足下遣使時曾已有言
乎有則命僕書之金軸在僕也南檄日至崑寇旣已
寇揚唐觀隋樓俱燼則僕之室廬枌梓可知已日謀
歸謀即歸安棲乎且太夫人老在堂僅一弱弟何恃

僕之方寸亂矣足下雖困得借寸祿供太夫人朝夕無恙甚幸且足下亦何所不得也使者西敬為致候日下赫暑足下自愛

報元美

既別凡兩得手書及詩二幅西山詩奇古可並鱗誤新絕奇甚矣則靡千古走之足下且僕句耳目日駭吳遂罷給事為丞猶丞馬尚得也其二歸餬口不然者立枯耳僕日夜求吳不得昨已移書弟緝我笑藥即得與吳並南尚及大醉花下徐使江南日者掌曹大負其素吳邢州君謀大不諧僕自謂負此子則

散髮入山僕負李終不負僕也我兄弟三四人當俱不能殊吳獨足下以司馬公故或什一可脫洛憲極力于劉劉意已甚已竟尤獲之則足下奈何司馬公移書于僕意不復前請則從其常者但在齊洛之間恐非所以處足下新銓目攝僕者數矣即言之亡益僕負李又負足下然僕當是時而詎不負二子則僕之辱二子者更大也日與諸生別蘭若泪洒上不休足下怪之乃徵之矣僕即得逐吳生轅則請足下移節于通為永夜語吾三人聯卮浮白者恐逐難數也數時不欲握筆聊匙短楮往報足下其自愛慰其

區區

報元美

使來再辱書言上泪也是夜與徐生把讀吳生邸舍
中又讀二生書黯然而相照已乃命酒上酣起舞自歌
且泣索筆賦詩各得一章以報足下乃更相與大醉
而去吳生自謫日過我兩生醢有幾盡子與即不以
謫且得並吳生南獨僕抱恨孤棲日對豺豹忍之不
堪避之不能其規畫宵求于春秋矣足下去三子覲
楚囚且重愁交錯其心不得見三子一語大為足下
再苦願不着僕心甚也見贈一章慘淡難讀咏懷羣
什奇鬱悲慨並軫離騷我輩造此險畏願于斯道深
矣二子將南足下又遠蜂目頻睨娥眉難毀薜蘿窟
念冠冕成仇躑躅四顧我勞如何使婦口授往報郵
書毋惜頻

報元美

使者函書抵明卿明卿已讀報僕方坐愁握書大喜
已讀則又黯然悲也外諭甚訝即策馬問吳上近詳
其說相對失色遂罷觴味矣我輩已觸諸貴人大怒
李與足下幸遠吳又謫獨日夜急者僕也僕已久置
冠冕獨不肯并其身置之一瞬千念焚馬如絲已

乞外即不得挂冠去耳尊君詩當勉為之足下日夕
盧龍驛書漸遠二生且魏日登途四顧躑躅為情如
何足下欲以湘纍視僕上心甚矣于鱗使者亦以是
日至書中言言悲悽決策自劾東歸足下書去疆之
留為太夫人饘粥計且其折腰下郡政名偃蹇非其
人所急也所急者乃在我二人我二人豈懼罷官者
哉倉卒布悃足下

報王司馬

自大兄出使遂不敢以一言輒上千旄願所為感明
公之愛而深念大兄遠違者其情山積也秋高馬肥

胡騎不敢南嚮明威所及萬里生寒明公之匡勳
勲並於日月矣國家計功而酬則如明公者宜何如
處焉公快私忻式言鼓舞人便敬上起居唯明公為
國事加愛

報于鱗

使者既西遂不得再通一訊日謂二子必會足下津
水之南不謂遂鼓柁去我葦蓬飄而散恐遂河山二
子何得亡情長者儘不可忍朱尉至僅亦能道足下
繼使來則又得手書秦時明月時一握之可助狂奴
一笑耳足下抱鬱樓郡中僕如以身當之否則挂冠

而去以謝足下馮中丞為于侍御言足下文學政事古者流于乃有深意即亡裨足下其藉此以徼福于太夫人亦足下所急也僕雖被章服從諸貴人游都無宦意足下與元美握手太行僕即不能奮飛以從二子二子太行視我將亦為可耳使者且東報司馬先托言於健兒以歸朱尉使者且西僕當有后言

報于鱗

昨健兒西題尺疏先報詳矣朱尉感厚遇見輒問足下得除日未且能言足下東歸心僕甚愧乎其人也其人甚苦遣一遣輒糜數金橐空矣唯足下哀憐之

裡語托之使者三四口可西尚有嗣往

報元美

鄉者與足下別至悲也即夜聚而生解之今而生乃相繼去矣更悲更亡以解及使來奉札乃又爽然若足下為我解而生悲也諸品之惠念我念我見懷一章慘然難目酒狂詩態恣為諸君頓減耳若畏名而除豈稱鄙人且外此二者更復何名乎夷齊賦幽遠奇鬱大類騷七言一幅雄渾卓絕如千峰北斷祁連色峰排戟劍插胡天當與崆峒盤山並峙矣足下窮愁出塞乃更自雄於文即使放逐足下江南者又

當何如 不能自必其必足下亡恙請以身質焉明
卿六日南子與行乃在十二日竟天其子灑淚而去
僕一病幾作永別近復稍上健食然日遊諸衆人不
得措一語出則不知所之以此憤上眠耳使者歸速
草上具復其奉贈諸篇病思稍起即為之

報明卿

日與二子燕市遊手足耳口也昨悲王生去尚得
二子破之今二子又去矣僕即悵上安所措語乎前
視足下邸中一上騎便覺寒氣射人至首則百骸如
火狂惑昏憤時作夢中語方其憤時不知足下去也

不定乃知之則心痛欲割耳再一日彊視徐生既而
復因對鏡日癯咄上不樂輒又為簿書所苦徐生薄
命又天其子含淚登輅去住增怨昨者馳馬西城忽
欲投刺足下既而念足下已東輒淚淫上下掩面反
走足下日就江湖形骸漸放鄙人孤遊棘莽踪跡可
憐握手何時傷心無已昨已移書舍弟誠其出遊于
旄射陽之湖西三君共禱而東醉我百花洲上則薛
羅楊柳將分華割榮而快馬病中據案申悃展筆累
披悽悵無極前塗自愛時惠德音

報黎惟敬

鄙人之聞足下於二三子心甚也一見足下蘭若便
令灑然再醉二三子邸中則一日千載矣我二三兄
第一朝舍我而去之即又不能留足下是天之欲廢
吾手足耳目也又何言哉又何言哉方足下東時鄙
人憤上伏枕遂不能有以效芻秣二君並舟而南疇
盃嘯誰大是樂事昨已誠舍弟遲三君湖上倘不過
我洲前大醉者恐桃花流水相與笑之草上布棕頭
言自愛君歸羅浮其伐木結廬以待鄙人鄙人將携
足下拾芙蓉以觀滄海耳

宗子相集卷之七終